

“Lama Ibsan Karo Hantida Guud ee Ummadda”

11 Shawwaal, 1444H (01 May 2023) – Dalka muslimka ah ee Soomaaliya wuxuu wajahayaa duullaan military, boob dhaqaale iyo fasaad akhlaaqi ah oo beegsanaya mabadaadi’da aasaasiga ah ee Islaamka. Waa olole ay horboodayaan Mareykanka iyo Turkiga oo Nato ka wada tirsan, Imaaraatka carabta iyo dowladaha reer Yurub ee saliibiyaanta ah, kuwaas oo xaqiijinta damacyadooda gurraacan usoo maraya kooxda ridada ah ee Soomaaliya.

Marka laga yimaado gaalnimada iyo diin la dirirka ay ku sifowday kooxda riddada, waxay tobankii sano ee lasoo dhaafay dowlad-ku-sheegga Soomaaliya ay halis joogta ah ku haysay hantida ummadda iyo khayraatka dalka iyagoo iska tuuray diin, dadnimo iyo damqashada dadkooda iyo dalkooda, waxay dhaqan ka dhigatay boobka dhaqaalaha umadda Soomaaliyeed, umana aaba yeelin hantida guud iyo midda gaarka ah toona. Laga billaabo heer madaxweyne ilaa heer shaqaale, wuxuu musuqa, laaluushka, iyo gacantogaaleynta hantida Ummadda noqday xirfad ay ka macaashaan maamulada murtadiinta.

Tobankii sano la soo dhaafay waxay dowladda riddada kaalinta koowaad uga jirtay dowladaha ugu musuq-maasuqa badan aduunka sida ay sheegayaan gaaladii iyaga gacanta ku hayay iyo hey’adhooda oo ay ugu horreyso hay’adda Transparency International, wuxuuna Xasan Sheekh Maxmuud si gaar ah taariikh madow kulahaa, safka horena kaga jiray welina kaga jiraa boobka hantida guud ee Ummadda iyo tan gaarka ah. Sanadkii 2013, Hay’adda UN Monitoring Group oo warbixin ka sameesay musuq-maasuqa dowladii Xasan Sheekh ayaa sheegtay “in 80% miizaaniyadda dowladda loo weeciyey dano shakhsi ah.”

Sanadkii 2022, Markii Xasan Sheekh kusoo laabtay hogaanka riddada, waxaa durbaba soo ifbaxay eedeymo la xiriira boobka hantida guud iyo midda gaarka ah oo uu markale ku kacayo, waxaana mudada sanadkan ah ee uu joogo villa Soomaaliya isa soo tarayey cabashada ka imaaneysa dadweynaha reer Muqdisho ee la xiriira dhul boob baahsan iyo barkacin ay geysaneyso dowladda ridada ee Xasan Sheekh.

Hadaba Xarakada Mujaahidiinta Al-Shabaab iyadoo ka duuleysa waajibka ka saaran ilaalinta badqabka ummadda Soomaaliyeed iyo hantidooda, waxay digniin udiyeysaa cid waliba oo ku hawlan boobka hantida ma guurtada ah iyo gelidda heshiisyo ku sheeg lagu xaraashayo khayraatka dalka – haddii ay tahay kuwa badda ama beriga intaba – inay joojiyaan, ka laabtaan, kana waantoobaan ficiladaas.

Xarakada Mujaahidiinta Al-Shabaab waxay uga digeysaa ganacsatada Soomaaliyeed inay qeyb ka noqdaan mashruuca lagu boobayo hantida ma guurtada ee ay ummaddu wada leedahay. Waxaa waajib ku ah ganacsatada inay ka fiirsadaan halka ay gelinayaan hantidooda, ganacsade kasta oo iibsada hantidaas maguurtada ah ee caamka ah ama saxiixa heshiis lagu boobayo kheyraadka Umadda Soomaaliyeed noocuu doonaba ha noqdee, ha ogaado inay ummadda kula xisaabtami doonto, lagana

soo celin doono hantidaas. libsashada hantida guud ee Umadda waa dulmi laga galay xaqqa Allaah, waxaana lagu muteystaa Aakhiro seeg iyo ciqaab adduunyo.

عَنْ حَوْلَةِ الْأَنْصَارِيَّةِ رَضِيَ اللَّهُ عَنْهَا قَالَتْ: سَمِعْتُ النَّبِيَّ صَلَّى اللَّهُ عَلَيْهِ وَسَلَّمَ يَقُولُ:
«إِنَّ رَجُلًا يَتَخَوَّضُونَ فِي مَالِ اللَّهِ بِغَيْرِ حَقٍّ، فَلَهُمُ النَّارُ يَوْمَ الْقِيَامَةِ» «صحيح البخاري»

Tallaabada ay dowladda ridada Soomaaliyeed ku boobeyso kuna xaraasheyso hantida guud ee Umadda waa dulmi uusan Allaah raali ka ahayn, waxaana ummadda Soomaaliyeed ee muslimka ah la gudboon inay ku gacanseyraan kana dhiidhiyaan dulmiga aan geedna loogu soo gabban ee ay dowladda ridadu ku bililiqeysaneyso hantida caamka ah.

عَنْ سَعِيدِ بْنِ زَيْدِ بْنِ عَمْرٍو بْنِ نُفَيْلٍ أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ:
«مَنْ افْتَتَحَ شِبْرًا مِنَ الْأَرْضِ ظُلْمًا، طَوَّقَهُ اللَّهُ إِيَّاهُ يَوْمَ الْقِيَامَةِ مِنْ سَبْعِ أَرْضِينَ» «مسند أحمد»

Khayraatka iyo hantida ma guurtada ah ee Umadda ka dhexeeya waa dhaxal Ummaddu wada leedahay, xaqna uma lahan murtad Xasan Sheekh Maxamuud iyo dowladda riddada inay iibiyaan ama ku takrifalaan. Waa dowlad aan sharciyad ka haysan Allaah iyo Rasuulkiisa oo gaaladu soo dhisatay, diin iyo dhaqanna ka yeelatay dimooqraadiyadda, hantida ummadda Soomaaliyeedna baylah uga dhigtay saliibiyaanta iyo dabadhilifyadooda, dalkana kusoo dhaweysay cadowga ummadda Soomaaliyeed ee ay ugu horreyso nasaarada Itoobiya.

Xarakada Mujaahidiinta Al-Shabaab waxay u dagaallameysaa dhawritaanka badqabka Ummadda Muslimka ah, hirgelinta Shareecada Islaamka iyo iney dhamaan dhulalka Muslimiinta ka xoreyso gaalada iyo murtadiinta dabadhilifka u ah. Xarakada Mujaahidiinta Al-Shabaab waxay mar kale ku celinaysaa dalabkii ahaa in dadka Muslimiinta ah ay ka fogaadaan saldhigyada, xarumaha iyo xafiisyada cadawgu ku leeyihiin degmooyinka iyo deegaanada ay xoogga uga haystaan ummada Soomaaliyeed ee muslimka ah.

Waxay Xarakada Mujaahidiinta Al-Shabaab ballan ku qaaddeysaa inay sii wadi doonto Jihaadka ka dhanka ah isbahaysiga caalamiga ah ee saliibiyaanta iyo dabadhilifyadooda murtadiinta ah ilaa ay geyiga Soomaaliyeed ka saareyso cadowga hororka ah ee ku soo duulay, iyo illaa diinta dhamaanteed ay Allaah oo kaliya u sugnaaneyso. Allaah, subxaanahu watacaalaa, wuxuu yiri:

﴿وَقَاتِلُوهُمْ حَتَّى لَا تَكُونَ فِتْنَةٌ وَيَكُونَ الدِّينُ لِلَّهِ فَإِنْ أَنتَهُوْا فَلَا عُدْوَانَ إِلَّا عَلَى الظَّالِمِينَ﴾ البقرة: ١٩٣



﴿وَلِلَّهِ الْعِزَّةُ وَلِرَسُولِهِ وَلِلْمُؤْمِنِينَ وَلَكِنَّ الْمُنَافِقِينَ لَا يَعْلَمُونَ﴾